

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Broj: 02-02-7-2230/16  
Sarajevo, 19.12.2016. godine

## Z A P I S N I K

### **10. VANREDNE SJEDNICE DOMA NARODA PARLAMENTA FEDERACIJE BOSNE I HERCEGOVINE, održane 15. decembra 2016. godine**

Sjednica je počela u 15:12.

Sjednicom je predsjedavala Lidija Bradara, predsjedavajuća Doma naroda Parlamenta Federacije BiH.

Na početku sjednice predsjedavajuća je pozdravila prisutne delegate, predstavnike medija, predstavnike međunarodnih organizacija i organizacija civilnog društva, predsjednika Federacije, potpredsjednicu Federacije, premijera Federacije i prisutne ministre.

Izostanak sa sjednice najavila je Lejla Imamović.

Nije bilo prijedloga za izmjene i dopune predloženog dnevnog reda.

Vlada Federacije je dostavila Prijedlog Budžeta Federacije Bosne i Hercegovine za 2017. godinu, Prijedlog zakona o izvršavanju Budžeta Federacije Bosne i Hercegovine za 2017. godinu i Prijedlog zakona o dopuni Zakona o budžetima u Federaciji Bosne i Hercegovine s prijedlogom da se razmatraju po hitnom postupku. Predsjedavajuća je pozvala delegate da se, u skladu sa članom 188. Poslovnika o radu Doma naroda, izjasne da li prihvataju da se ovi prijedlozi razmatraju po hitnom postupku.

Na osnovu rezultata glasanja predsjedavajuća je konstatirala da Dom naroda Parlamenta Federacije Bosne i Hercegovine nije prihvatio da se Prijedlog Budžeta Federacije Bosne i Hercegovine za 2017. godinu razmatra po hitnom postupku jer je za glasalo pet delegata, osam delegata je bilo uzdržano, a 30 delegata je bilo protiv, te će Prijedlog Budžeta Federacije Bosne i Hercegovine za 2017. godinu razmatrati u formi Nacrta.

Na osnovu rezultata glasanja predsjedavajuća je konstatirala da Dom naroda Parlamenta Federacije Bosne i Hercegovine nije prihvatio da se Prijedlog zakona o izvršavanju Budžeta Federacije Bosne i Hercegovine za 2017. godinu razmatra po hitnom postupku jer je za glasalo pet delegata, sedam delegata je bilo uzdržano, a 27 delegata je bilo protiv, te će Prijedlog zakona o izvršavanju Budžeta Federacije Bosne i Hercegovine za 2017. godinu razmatrati u formi Nacrta.

Na osnovu rezultata glasanja predsjedavajuća je konstatirala da Dom naroda Parlamenta Federacije Bosne i Hercegovine nije prihvatio da se Prijedlog zakona o dopuni Zakona o budžetima u Federaciji Bosne i Hercegovine razmatra po hitnom postupku jer je za glasalo četiri delegata, devet delegata je bilo uzdržano, a 32 delegata su bila protiv, te će Prijedlog zakona o dopuni Zakona o budžetima u Federaciji Bosne i Hercegovine razmatrati u formi Nacrta.

Predsjedavajuća je, zatim, stavila na glasanje i, na osnovu rezultata glasanja, konstatirala da je Dom naroda Parlamenta Federacije BiH, sa 39 glasova za, dva uzdržana glasa i dva glasa protiv, usvojio sljedeći:

#### **DNEVNI RED:**

1. Nacrt Budžeta Federacije Bosne i Hercegovine za 2017. godinu
2. Nacrt zakona o izvršavanju Budžeta Federacije Bosne i Hercegovine za 2017. godinu
3. Nacrt zakona o dopuni Zakona o budžetima u Federaciji Bosne i Hercegovine.

#### **1. Nacrt Budžeta Federacije Bosne i Hercegovine za 2017. godinu**

Nacrt Budžeta Federacije Bosne i Hercegovine za 2017. godinu utvrdila je Vlada Federacije.

Nacrt Budžeta obrazložio je premijer Federacije Fadil Novalić.

U raspravi su učestvovali: Rasim Kantarević, Sanel Mušović, Mirvet Beganović, Željko Mirković, predsjednik Kluba delegata bošnjačkog naroda, Osman Ćatić, predsjednik Kluba delegata srpskog naroda, Slaviša Šućur, predsjednik Kluba delegata hrvatskog naroda, Tomislav Martinović, Aner Žuljević, Muhamed Kozadra, Fuad Hadžimehmedović, Lidija Bradara i Fadil Novalić.

Na osnovu rezultata glasanja predsjedavajuća je konstatirala da je Dom naroda Parlamenta Federacije Bosne i Hercegovine sa 37 glasova za, dva uzdržana glasa i četiri glasa protiv, usvojio sljedeći

#### **ZAKLJUČAK**

1. Dom naroda Parlamenta Federacije Bosne i Hercegovine prihvata Nacrt Budžeta Federacije Bosne i Hercegovine za 2017. godinu i smatra da može poslužiti kao osnov za izradu Prijedloga Budžeta Federacije Bosne i Hercegovine za 2017. godinu.

2. Zadužuje se Vlada Federacije Bosne i Hercegovine da, prilikom izrade Prijedloga Budžeta ima u vidu primjedbe, prijedloge i sugestije iznesene i date u raspravi na sjednici Doma naroda.

## **2. Nacrt zakona o izvršavanju Budžeta Federacije Bosne i Hercegovine za 2017. godinu**

Nacrt zakona o izvršavanju Budžeta Federacije Bosne i Hercegovine za 2017. godinu utvrdila je Vlada Federacije.

Nije bilo potrebe da predstavnik Vlade Federacije obrazlaže Nacrt zakona o izvršavanju Budžeta Federacije Bosne i Hercegovine za 2017. godinu.

U raspravi nije niko učestvovao.

Na osnovu rezultata glasanja predsjedavajuća je konstatirala da je Dom naroda Parlamenta Federacije Bosne i Hercegovine sa 36 glasova za, četiri uzdržana glasa i tri glasa protiv, usvojio sljedeći

### **ZAKLJUČAK**

1. Dom naroda Parlamenta Federacije Bosne i Hercegovine prihvata Nacrt zakona o izvršavanju Budžeta Federacije Bosne i Hercegovine za 2017. godinu i smatra da može poslužiti kao osnov za izradu prijedloga zakona o izvršavanju Budžeta Federacije Bosne i Hercegovine za 2017. godinu.
2. Zadužuje se Vlada Federacije Bosne i Hercegovine da, prilikom izrade Prijedloga zakona ima u vidu primjedbe, prijedloge i sugestije iznesene i date u pripremi sjednice i u raspravi na sjednici Doma naroda.

## **3. Nacrt zakona o dopuni Zakona o budžetima u Federaciji Bosne i Hercegovine**

Nacrt zakona o dopuni Zakona o budžetima u Federaciji Bosne i Hercegovine utvrdila je Vlada Federacije.

U raspravi su učestvovali: Predrag Kojović, Đuro Prkačin i Slaviša Šućur.

Na osnovu rezultata glasanja predsjedavajuća je konstatirala da je Dom naroda Parlamenta Federacije Bosne i Hercegovine sa 33 glasa za, tri uzdržana glasa i šest glasova protiv, usvojio sljedeći

## ZAKLJUČAK

1. Dom naroda Parlamenta Federacije Bosne i Hercegovine prihvata Nacrt zakona o dopuni Zakona o bužetima u Federaciji Bosne i Hercegovine i smatra da može poslužiti kao osnov za izradu Prijedloga zakona o dopuni Zakona o budžetima u Federaciji Bosne i Hercegovine.
2. Zadužuje se Vlada Federacije Bosne i Hercegovine da, prilikom izrade Prijedloga zakona ima u vidu primjedbe, prijedloge i sugestije iznesene u raspravi na sjednici Doma naroda.

Sjednica je završena u 17:07.

\*\*\*

Transkript sjednice čini sastavni dio Zapisnika.

SEKRETAR

Izmir Hadživdić

PREDSJEDAVAJUĆA

Lidija Bradara